

Olahusa dovdomearkkat sámigiella vuosttášgiellan Jo2 fidnofágalaš oahppoprográmmaid mannel.

**Dovdomearkkat dan gelbbolašvuhtii maid oahppi čájeha oppalaččat, sihke njálmmálaččat ja čálalaččat, sámegiella vuosttášgiellan -fágas, Jo2 fidnofágalaš oahppoprográmmaid manná.**

Dovdomearkkat gullet sihke njálmmálaš ja čálalaš gelbbolašvuođa oppalaš árvoštallamii ja daid galgá geavahit oahppoplána vuodul.

Vuollegis gelbbolašvuhta fágas, árvosátni 2	Buorre gelbbolašvuhta fágas, árvosátni 4	Erenoamáš buorre gelbbolašvuhta fágas, árvosátni 6
Oahppi searvá ságastallamiidda ja ovdanbuktá iežas oaiviliid ja jurdagiid oahpes fágalaš áššiide. Oahppi čuovvu mielde earáid oaivilovdanbuktimiid, maidda addá eanjkilis responsa.	Oahppi searvá ságastallamiidda ja ovdanbuktá, čilge ja ákkastallá iežas oaiviliid ja jurdagiid fágalaš áššiide. Oahppi čuovvu mielde earáid oaivilovdanbuktimiid, maidda addá áššáigullelaš responsa.	Oahppi searvá aktiivvalaččat ságastallamiidda ja ovdanbuktá, čilge ja ákkastallá iežas oaiviliid ja jurdagiid fágalaš áššiide vuđolaččat ja áššáigullelaš. Oahppi čuovvu dárkilit mielde earáid oaivilovdanbuktimiid, maidda divvu gažaldagaid ja addá ulbmillaš responsa.

<p>Oahppi gulahallá áddehahtti láhkái sihke njálmmálaččat ja čálalaččat. Oahppi atná muhtun fágadoahpagiid ja heiveha muhtun muddui ovdanbuktimiid fáttáid ja bargovugiid ektui.</p>	<p>Oahppi gulahallá bures sihke njálmmálaččat ja čálalaččat. Oahppis lea buorre fágagiella ja heiveha ja vällje ovdanbuktimiid ja gulahallanteknologiija fáttáid ja bargovugiid mielde.</p>	<p>Oahppi gulahallá čielgasit ja ulbmillaččat sihke njálmmálaččat ja čálalaččat. Oahppis lea dárkilis ja relevánta fágagiella heivehuvvon iešguđet fáttáid ja bargoproseassaid ovdanbuktimis.</p> <p>Oahppi vällje iešheanalaaččat dárbbuid mielde ulbmillaš gulahallanteknologiija.</p>
<p>Oahppi lohka ja ádde iešguđetlágán teavsttaid. Oahppi dulko ja guorahallá muhtun muddui dieđuid maid lea álki gávdnat teavsttain.</p>	<p>Oahppi lohka ja ádde bures iešguđetlágán teavsttaid. Oahppi guorahallá teavstta sisdoalu ja váikkuhangaskaomiid ja ovdanbuktá iežas dulkomiid teavsttas.</p>	<p>Oahppi lohka ja čájeha erenoamáš bures áddejumi iešguđetlágán teavsttaid hárrái.</p> <p>Oahppi teakstaguorahallamiin leat čiekŋalis reflekšuvnnat ja iešheanalaaš dulkomat teavsttaid sisdoalus, hámis ja váikkuhangaskaomiin.</p>
<p>Oahppi hábme iešguđetlágán teavsttaid main lea muhtun muddui heivvolaš hápmi, struktuvra ja sisdoallu. Oahppi atná muhtun oahpes sámi albmanahttinvugiid iežas teavsttain. Oahppi divoda iežas teavsttain mihtilmas boasttuvuođaid ja buoreda teavstta oahpaheaddji mearkkašumiid vuođul.</p>	<p>Oahppi hábme iešguđetlágán teavsttaid main lea buorre hápmi, struktuvra ja sisdoallu. Oahppi atná iešguđetlágán, heivvolaš sámi albmanahttinvugiid iežas teavsttain. Oahppi divoda ja buoreda iežas teavsttaid fágalaš eavttuid ja earáid mearkkašumiid vuođul. Oahppi árvvoštallá earáid teavsttaid ja buktá rávvagiid giella- ja teakstamáhtus vuođul.</p>	<p>Oahppi hábme iešguđetlágán teavsttaid main lea čielga ja ulbmillaš hápmi, struktuvra ja sisdoallu mii lea heivehuvvon iešguđet dárbbuide. Oahppi dovdá iešguđetlágán sámi albmanahttinvugiid geavahusa ja vällje dihtomielalaččat dan máhttu mielde albmanahttinvugiid mat leat relevánta ja ulbmillačča iešguđet teavsttaide. Oahppi árvvoštallá ja buorida iežas teavsttaid fágalaš eavttuid ja earáid mearkkašumiid vuođul. Oahppi árvvoštallá earáid teavsttaid ja buktá</p>

		relevánta rávvagiid giella- ja teakstamáhtus vuodul.
Oahppis lea eanjkilis sátneriggodat ja atná muhtun muddui árbevirolaš ja fágaguoski doahpagiid ja dadjanvugiid iežas teavsttain ja praktihkalaš bargguin. Oahppi hálddaša muhtun muddui guovddáš njuolggadusaid riehtačállimii ja mearkabidjamii. Oahppi máhtá muhtun muddui gálduid atnit.	Oahppis lea buorre sátneriggodat ja atná sihke árbevirolaš ja fágaguoski doahpagiid ja dadjanvugiid iežas teavsttain ja praktihkalaš bargguin. Oahppi hálddaša buori muddui riehtačállima ja mearkabidjama. Oahppi referere muhtun muddui, atná buorre muddui relevánta gálduid ja čujuha gálduide.	Oahppis lea erenoamáš girjás giella ja atná sihke árbevirolaš ja fágaguoski doahpagiid ja dadjanvugiid ulbmillaččat iežas teavsttain ja praktihkalaš bargguin. Oahppi hálddaša erenoamáš bures riehtačállima ja mearkabidjama. Oahppi čalmmustahtá sitáhtaid, referere, vállje ja atná gálduid iešheanalaččat ja kritihkalaččat ja čujuha gálduide čorgadit ja dárkilit.
Oahppi máhtá muhtun guovddáš giellaoahpalaš beliid čilget. Oahppi čujuha muhtun guovddáš erohusaide ja ovttalágánvuodaid sáme giela ja eará gielaid gaskkas. Oahppi dovdá iežas guovllu sáme giela dili ja máhtá mitalit manne lea dehálaš gáhttet giela.	Oahppi máhtá dábálaš giellaoahpalaš beliid čilget anidettiin fágagiela. Oahppi čilge dábálaš erohusaid ja ovttalágánvuodaid sáme giela ja eará gielaid gaskkas oahpes ovdamearkkaiguin. Oahppi dovdá iešguđet sámiguovlluid gielladili dálá ja ovddeš áiggis ja máhtá čilget manne lea dehálaš gáhttet giela.	Oahppi máhtá iešguđet giellaoahpalaš beliid iešheanalaččat čilget anidettiin relevánta fágagiela. Oahppi čilge iešguđet erohusaid ja ovttalágánvuodaid sáme giela ja eará gielaid gaskkas relevánta ovdamearkkaiguin. Oahppi čilge miehtásámi perspektiivvas sáme giela dálá ja ovddeš dili oktavuoda ja vuodušta manne lea dehálaš gáhttet giela.
Oahppi máhtá mitalit oahpes, guovddáš beliid sámi máinnastanárbevierus. Oahppi	Oahppi máhtá čilget iešguđet beliid sámi máinnastanárbevierus ja reflekeret sisdoalu	Oahppi ságaškuššá iešguđet beliid sámi máinnastanárbevierus sihke dálá áiggis ja

<p>sáhtta čujuhit muhtun čielga erohusaide ja ovttalágánvuodaide sámi ja eará eamiálbmogiid teavsttaid gaskkas.</p>	<p>hárrái oahpes máidnasiin. Oahppi máhtta válddahit sámi máinnastanárbevieru oktavuoda dálá sámi kultuvrii. Oahppi čujuha ja čilge ovdamearkkaiguin erohusaid ja ovttalágánvuodaide sámi ja eará eamiálbmogiid teavsttain.</p>	<p>ovddeš áiggi ektui. Oahppi reflektere mo iešguđet sámi muitalusain vuhttojit sámi árvvut ja ságaškuššá dan oktavuoda mii lea sámi máinnastanárbevieru ja sámi kultuvrra gaskka (áiggiid čađa).</p> <p>Oahppi dulkomis iešguđetlágán sámi máidnasiin leat iešheanalaš refleksuvnnat, ja oahppi buohtastahtta vuđolaččat relevánta beliid sámi máidnasiin eará eamiálbmogiid teavsttaid ektui.</p>
---	---	---